



06-08-2018

UKA 2018/060

Inatsisartut Suleriaasianni § 36 naapertorlugu apeqquteqaat aallaavigalugu oqallinissamik siunnersuut imaattoq matumuuna saqqummiuppara:

Piniakkat killilersukkat avanersuarmi Ittoqqortoormiinu killilersorneqarunnaarnissaat anguniarlugu apeqquteqaat aallaavigalugu oqallisissiaq.

(Inatsisartuni ilaasortaq Jens Napātôk', Partii Naleraq)

Avanersuarmi Ittoqqortoormiinu piniarnerinnarmik inuussutissarsiuteqartut ukiuni arlalinggulersuni piniakkaminnik aalajangersimasunik killilersuiffiqineqarlutik ukiut tamaasa amerlassusilerlugit piniakkanik killilersukkanik pisassinneqartarput.

Piniakkanik killilersukkat ilagivaat qilalukkat qernertat, qilalukkat qaortat aamma aaveq aammalu Ittoqqortoormiini nannut. Piniakkat killilersukkat uumasunik imarmiunik illersuinaqatigiiffissuit ilaannik Kalaallit Nunaanni piniartukkormiut inuuniarnerminni aningaasarsiornerminni ingasappallaamik killilersuiffiqineqarnerat Partii Naleqqamiik akuersarneqarsinnaangitsutut isigaarput. Piniakkat killilersukkat mattai aamma neqai avammut niurutigineqarneq ajorput, paarlattuanik piniakkat killilersukkat tuugaavi kusanartuliaralugit tuniarneqarsinnaanerat Nunat EU-mut ilaasortaasunit mattunneqarsimallutik, tamatumalu kinguneraa piniartukkormiut aningaasatigut saniatigut isertitaqarsinnaanerat mattunneqarsimalluni. Taamatullu Nunatta iluani killilersuineramik eqqussinermi piniartukkormiut ulluinnarni atugaannik oqilisaassinerunngilluinnartumik sunniuteqarsimalluni.

Tupinnarpoq Kalaallit Nunatta iluani piniakkat killilersukkat Inatsisip siunertaanut naapertuuttumik Avanersuarmi Ittoqqortoormiinu qangarsuaaniilli piniariaatsimik allami nunarsuup sinnerani ator-neqanngisaannartumi immitsinnut nerisassaqarniarnikkut aammalu aningaasarsiornermattatissinnik mattussisimanerput, tamanna mattussuineq aammalu piniartukkormiut inuuniarnerannut aningaasarsiornerannullu killiliilluinnartoq Partii Naleqqap peqataaffiqeqqissinnaangila. Partii Naleraq

isumaqarpoq piniartukkormiuneq tassaasariaqartoq Kalaallit Nunaanni kulturikkut inuusaatsip at-tatiinnarneranik tammatsaaliuinerusoq aammalu ataqqineqarlunartariaqartoq.

Nunap iluani neqissaqarniarnikkut annertuumik iluaqutigineqartartoq inuiaqatigiit kalaallit ilisi-mavarput. Nunarsuarmioqatitta arortissinnaangisaat aqajaqutta arortissinnaavaat kalaaleq imar-tatta uumasuinut tulluussarsimanagera pissutaalluni. Taamaattumik nunat allamiut "iluatsinniaan-narlugit" piniartortatsinnik piniartunngorumaartussaaniillu piniakkanik killilersuinita kinguneranik aserorluinneqarsinnaanera Partii Naleqqap aarleqqutigaa, taamaattumillu Avanersuarmi Ittoq-



qortoormiinilu piniakkat killilersukkat killilersorunnaarneqarnissaat pisariaqarluinnartut isigineqarluni. Piniakkat killilersukkat ullumikkutut killilersortuarneqassappata ukiut ingerlaneranni piniartuuneq soqutigunnaarsimassavaat, Kalaallit Nunattalu avannaarsuani tunumilu inoqaannar-nissaannik qularnaarinnissimasup nungutilluinnarneranik kinguneqassappat, tamanna Partii Naleq-qap piniartukkormiunik kulturitoqqatsinnillu ataqqinninnginnertut taarusunneruaa.

Piniartutut inuussutissarsiuteqarneq nunami suliffissaqartitsiuartartoq ilisimaneqarpoq, aammalu imminut pilersornermut neqissaqarnermut allatigullu kulturitsinnut ataqqinaatit ilagaat, taamatullu ingerlaannarnissaa kissaatiginarpoq.

Suliffeqarnerup qularnaassavaa aammalu ullaakut makilluni piniariarnerup qularnaassavaa suli Kalaallit avannaarsuani tunumilu eqeersimaarlutik imminnut napatinniarlutik inuujuar-nissaat.

Piniartoqarneq nunatta sinnerani nalilersuiffigeqqittuartaqarpoq taakkulu atugaasa aporfissaarar-pasuit uniffiusartut piiarlugit periarfissat nunatsinnut naleqquttumik aaqqissuussiffigisariaqarneri i-lanngullugit, tamakkulu oqaluserisassami allami Partiip Naleqqamiit suliakkiissutigalugit aamma qaqilissamaaratigit oqaatigeriissavarput, tassalu Upernavik, Upernaviullu eqqa, Uummannaq, Uum-mannallu eqqaa, Diskobugt, Qeqqa, Sermersooq aammalu Kujataa eqqarsaatigalugit aaqqiisoqar-nissaa piniartut umiatsiaararsortullu eqqarsaatigalugit.

Taamaatut Inatsisartut Suleriaasianni § 36 naapertorlugu apeqquteqaat aallaavigalugu oqallinnissa-mik aallarniivunga, oqallilluarisa.